



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-077-3/23**

Datum: **01.03.2023.godina**

«Agencija za vodno područje rijeke Save» Sarajevo rješavajući po zahtjevu Investitora „MAT-TRADE“ d.o.o., Gradačac za izdavanje vodne dozvole za ispuštanje oborinskih onečišćenih voda sa lokacije benzinske pumpne stanice sa pratećim sadržajima u naselju Vučkovci, općina Gradačac na osnovu člana 109. stav 1. tačka 2. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi:**

R J E Š E N J E **o vodnoj dozvoli**

1. Investitoru „MAT-TRADE“ d.o.o., Gradačac daje se vodna dozvola za ispuštanje oborinskih onečišćenih voda sa lokacije benzinske pumpne stanice sa pratećim sadržajima izgrađenim na zemljištu označenom kao k.č. broj: 3337 K.O. Vučkovci, općina Gradačac.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda za čije izdavanje je nadležno Ministarstvo poljoprivrede, šumarstva i vodoprivrede Tuzlanskog kantona, u skladu sa članom 139. stav 2. Zakona o vodama.
3. Vodna dozvola se daje na osnovu dostavljene dokumentacije, utvrđenog činjeničnog stanja i uz slijedeće uslove:
 - 3.1. Skladištenje nafte i naftnih derivata vršiti u podzemnim čeličnim dvoplašnim rezervoarima ukupne zapremine $V=110\text{ m}^3$ sa pripadajućom armaturom za rukovanje, praćenje i sigurnost rada.
 - 3.2. Korisnik objekta je obavezan vršiti redovnu kontrolu međuplašnog prostora rezervoara za skladištenje naftnih derivata, njihovo čišćenje i kontrolu rada.
 - 3.3. Korisnik poslovnog objekta za sve vrijeme trajanja ove vodne dozvole treba obezbjediti da se oborinske onečišćene vode sa lokacije predmetnog objekta, nesmetano sakupljaju putem slivnika sa slivnom rešetkom, internom kanalizacionom mrežom vode do izgrađenog separatora ulja i naftnih derivata i preko okna za monitoring ispuštaju u obližnji potok.
 - 3.4. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristiti na način koji će obezbjediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.5. Separator ulja i naftnih derivata, te pripadajuće objekte za prikupljanje i odvodnju oborinskih onečišćenih voda (taložnik, kanalizaciona mreža), održavati u ispravnom stanju, redovno vršiti njegovo pražnjenje i o tome voditi evidenciju.
 - 3.6. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti prema posebnom ugovoru.
 - 3.7. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti u skladu sa članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

- Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.9. Skladištenje i pretakanje nafte i naftnih derivata vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.10. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale;
 - 3.11. Izdvojena ulja iz separatora sakupljati u za to posebno pripremljene i na vidnom mjestu označene posude, te u dogovoru sa nadležnim sanitarnim/okolišnim inspektorom ili pravnom osobom registrovanom za predmetnu djelatnost, propisano zbrinjavati.
 - 3.12. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, prosipanja motornog ulja, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22 te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, pravno lice je dužno provoditi sve mjere i aktivnosti propisane istom.
 6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 7. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
 8. Vodna dozvola se daje na određeni period od 5 (pet) godina od dana pravosnažnosti rješenja. Prije isteka ovog roka korisnik objekta je dužan zatražiti produženje iste.
 9. Prava stečena na temelju ove dozvole ne mogu se prenositi na treća lica bez saglasnosti organa koji je izdao ovu vodnu dozvolu, a ista prestaju u skladu sa odredbama Zakona o vodama („Službene novine Federacije BiH“, broj 70/06).
 10. Vodna dozvola se može izmijeniti ukoliko za to nastupe razlozi utvrđeni u članu 130. stav 1. tačka 1., 2., 3. ili 4. Zakona o vodama („Službene novine Federacije BiH“, broj 70/06).

Obrazloženje

Investitor „MAT-TRADE“ d.o.o., Gradačac, Ul. VI Bataljon bb, ID broj: 4209669470003 se dana 18.10.2022. godine obratio ovoj Agenciji sa zahtjevom za izdavanje vodne dozvole za ispuštanje oborinskih onečišćenih voda sa lokacije benzinske pumpne stanice sa pratećim sadržajima izgrađenim na zemljištu označenom kao k.č. broj: 3337 K.O. Vučkovci, općina Gradačac.

Uz zahtjev je dostavljena slijedeća dokumentacija:

- Ovjerena kopija Aktuelnog izvoda iz sudskog registra broj: 032-0-Reg-17-000747 od 26.04.2017. godine izdat od Općinskog suda u Tuzli;
- Ovjerena kopija Uvjerjenja o poreznoj registraciji donešenog od strane Porezne uprave – Kantonalni porezni ured Tuzla, 07.07.2004. godine;
- Ovjerena kopija uvjerjenja o registraciji obveznika poreza na dodanu vrijednost u Jedinstveni registar obveznika indirektnih poreza donešenog od strane Uprave za indirektno-neizravno oporezivanje Banja Luka broj: 04/5-1/II-17-1-1735-3039/05 od 11.11.2005.godine.
- Dokaz o uplaćenju upravnoj taksi,
- Kopija rješenja o vodnoj dozvoli broj: 04/1-13-21-26019/22 od 03.10.2022. godina izdato od Ministarstvo poljoprivrede, šumarstava i vodoprivrede Tuzlanskog kantona;

- Kopija Rješenja o upotrebnoj dozvoli broj: 06/1-23/3-1562/17 od 25.10.2017. godina izdato od Općinske službe za urbanizam, investicije i komunalne poslove, Općina Gradačac;
- Ovjerena Izjava podnosioca zahtjeva;
- Glavni projekat-vanjske hidroinstalacije, benzinska pumpa sa pratećim sadržajima, broj: 29-IB-G/17 od IV/2017. godina urađen od „IBIS“ d.o.o., Zavidovići.

Razmatrajući predmetni zahtjev i njemu priloženu dokumentaciju utvrđeno je, da je za predmetnu aktivnost od strane ove Agencije ranije izdata vodna dozvola broj: UP-I/25-3-40-486-6/17 od 20.07.2017.godina koja je istekla po važnosti. Uz zahtjev je dostavljena sva dokumentacija potrebna za izdavanje vodnog akta, a radi lakšeg i bržeg vođenja upravnog postupka u skladu s članom 14. Zakona o upravnom postupku («Službene novine Federacije BiH», broj 2/98,48/99 i 61/22) zatraženo je od podnosioca zahtjeva da uz zahtjev priloži izjavu da u pogledu registracije društva, izgrađenosti predmetnog objekta, odnosno u tehničko-tehnološkom smislu, obimu i uslovima korištenja voda kao i u ispuštanju otpadnih voda nije bilo nikakvih izmjena u odnosu na ranije izdatu vodnu dozvolu. Podnosilac zahtjeva je dostavio ovjerenu Izjavu.

Na osnovu dostavljene dokumentacije i ovjerene Izjave a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. Dispozitiva rješenja propisani uslovi kojih se dužan pridržavati prilikom korištenja objekta u skladu sa Zakonom o vodama, Pravilnikom o sadržaju, obliku, uvjetima, i načinu izdavanja i čuvanja vodnih akata («Službene novine F BiH», broj: 31/15, 55/19 i 41/20) i Uredbom o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, „MAT-TRADE“ d.o.o. Gradačac ispunio minimum uslova za izdavanje vodne dozvole za ispuštanje oborinskih onečišćenih voda te je riješeno kao u dispozitivu ovog rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.


Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Remić Dž., dipl.iur.

Po ovlaštenju

Rukovodilac Sektora za izdavanje vodnih akata



Haris Ališehović
Haris Ališehović, dipl.ing.grad.

Dostaviti:

- „MAT-TRADE“ d.o.o. (Prilog: PROJEKAT)
Ul. VI Bataljon bb, Gradačac
- AVP Sava, ISV-vodna knjiga,
- Sektor 50-ovdje
- Sektor 40 – arhiva
- Oglasna tabla AVP Sava-Sarajevo